



Hon Peter Dutton MP

Immigiricén arde Boóudhar Héfazot or Uzir

MIDHIA NEELAIYIA

23 Ipril 2017

MOZBUT ARDE AMÓN BOÓUDHAR ÓKKOL ÓR 1000 DIN ÓKKOL

Yián dasé ehón 1000 din óigiyói ahéri manúic blékgoréde buth Australía foónisse de ar tin bosór óttu áro bicí óigiyói manúic blékgoróya ókkol ór hátot ahéri doijjat manúic moijjéde zana.

Immigiricén arde Boóudhar Héfazoti Uzir Peter Dutton e hoiyé, Australíar Hókumot e ereda goijjé yián taákit goribélla yián éndila tákouk.

Mr.Dutton é hoiyé, “Kaamiyabi yián é honó cók sára dahár dé, Sáñti ókkol ór soktó boóudhar héfazoti folósi ókkol asé ar ham gorér.”

“Operécen Maleki Boóudhar ókkol ór agortú, Australía yé 50,000 óttu áro bicí bekaanuni doijjar lain loi foónsá ókkol deikké, 800 manúic blékgoréde buth ókkol óttu áro bicí, 8000 óttu áro bicí fuain bon ot, ar bicí hóraf gorí doijjat 1200 óttu áro bicí mora ókkol.”

“Operécen Maleki Boóudhar é doijjar laine manúic blékgorá ré ebbre tíai gorái félaiye ar agona jan ókkol óre basaiyé Kaamiyabi yián é Hókumot oré yián goráiyé, bon óttu fuain beggún óre neelai bélla, ar 17 án bon sóulot ókkol óre bon goribélla.

Mr Dutton e hoiyé, “Añárar kaamiyabi óile údda añára zani manúic blékgorár dómki aijó baki asé.

“Guzori giyóide 1000 din ót, Operécen Maleki Boóudhar e 30 cán manúic blékgoréde buth ókkol óre ruikké ar waapes diyé ar 765 maincór tú áro bicí zará Australía bekaanuni foónsi bellá kucíc goijjé.

“Manúic blékgoróya ókkol é boút dhoilla kucíc ókkol goijjé añár dófa ókkol ór bütortu rasta ekkán tuai faibellá, mogor fottí thaim ót añárar boóudhar héfazoti taakot ókkol é taráre rukát kaamiyab óiye.

“Manúic blékgoréde buth ókkol óre tuai faa, ruká arde waapes dibellá Australíar taakot dasé ehón foóila’ttú áro bicí mozbut óiye.

“Fattóri mail yían dasé 16 án Australíar ejénsi ókkol ólla ekkán nam zará Operécen Maleki Boóudhar ókkol óre modot de ar dil cocbí ólla soñijja ókkol ólla zará fottí din ham goré Australíar boóudhar ókkol óre amón rakíbélla.

“Añártú yó modot douya ókkol óre zanai ditou mone hoór ki añárar intarnécenel pathnár ókkol é mujirimi manúic blékgoréde nétwák ókkol óre hóraf gorí faijjé ar báñgi di faijjé.

“Australía arde añárar elakayi pathnár ókkol añárar kucíc ókkol ót dorógorí asé elaka beggúla manúic blékgorá ré hótom goríbélla.

“Añárattu hámaká taákit gorá foribóu taáke ar honó maincóre héfazot sára buth ókkol ór uore tarár jan ókkol hótarat goríbélla cithíng gorá noza ar tarár fémlir maali mustakbal borbat gorá, manúic blékgoróya ókkol ór dúkabazirtu.

“Añárattu taákit gorá foribóu dé maincóre tarár jan ókkol óre héfazot sára buth ot hótarat dháli bellá arr dúka di nofaríbóu ar tarár fémlir maali mustakbal óre báñgi dibellá maincór dúkabazi ókkol ór torfóttu.

“Australíat boicóti gorá hóníkka’llá honódin ekkán ektiyar noóibou zará Australía buth loi bekaanuni zaibellá kucíc goré. Éçe honó bat dibar náí”

Aró maalumat ollá: Uzir Dutton or Ofís – 02 6277 7860